

SOCIAL POWER

1. DEIALDIAREN OINARRIAK

GIZARTE ZIBILEKO ERAKUNDEEK ESKUBIDEAK DEFENDATU, BABESTU ETA
SUSTATZEKO XEDEZ EGITEN DITUZTEN JARDUERAK FINANTZATZEKO

DEIALDIAREN HELBURUA.....	2
DEIALDIAREN AURREKONTU-ZUZKIDURA.....	2
ERAKUNDEEN DIRU-SARREREN BALDINTZAK, FUNTSAREN ARABERA.....	2
NORK HAR DEZAKETE PARTE?.....	3
FINANTZAKETA ESKATZEKO BALDINTZAK.....	3
DEIALDIAN AURKEZTEKO EPEA.....	4
PROIEKTUEN IRAUPENA.....	4
AURKEZ DAITEZKEEN PROIEKTUEN KOPURUA	4
DEIALDIEN LEHENTASUN TEMATIKOAK.....	5
FINANTZA DAITEZKEEN JARDUERA MOTAK	7
FINANTZA DAITEZKEEN GASTUAK.....	7
NOLA ESKATU FINANTZAKETA.....	9
PROIEKTUAK NOLA EBALUATUKO DIREN.....	10
NORK EBALUATUKO DITU PROIEKTUAK?	12
EMAN BEHARREKO FINANTZAKETAREN ZENBATEKOA ZEHAZTEA.....	12
NOLA HAUTATUKO DIRA PROIEKTUAK?.....	13
EMAITZA JAKINARAZTEA, ONARTZEA ETA FINANTZAKETA ORDAINTZEA.....	13
ALDERDIEN KONPROMISOAK ETA BETEBEHARRAK	13
FINANTZAKETA PROZESUAREN EGUTEGIA ETA DATA NAGUSIAK.....	15
SOCIAL POWER-I BURUZ.....	16
DEIALDI HONI BURUZKO INFORMAZIO GEHIAGO	16
KONTAKTUA	17

DEIALDIAREN HELBURUA

Deialdi honen helburu orokorra da [EBko Oinarrizko Eskubideen Gutuneko](#) giza eskubideak, askatasuna, elkartasuna, berdintasuna, justizia —genero-justizia barne—, giza duintasuna eta beste eskubide batzuk sustatzen laguntzen duten gizarte zibileko erakundeek garatutako ekimenak finantzatzea.

Zehazki, honako gai-agenda hauetako baten inguruko eskubideak zaintzen, babesten eta sustatzen laguntzen duten proiektuak finantzatuko dira:

- **Zainketarako eskubidea**
- **Giza mugikortasunerako eskubidea**
- **Justizia klimatikorako eskubidea**

Desberdintasunak eta diskriminazioa bereziki jasaten dituzten kolektiboekin (emakumeak, gazteak, migratzaileak, LGTBIAQ+ pertsonak, dibertsitate funtzionala duten pertsonak, gutxiengoak, etab.) logika intersektzionaletik lan egiten duten proiektuak lehenetsiko dira.

DEIALDIAREN AURREKONTU-ZUZKIDURA

Deialdi honek **1.036.666,67 euroko** zuzkidura du, 3 funtsetan banatuta, proiektu bakoitzeko finantzatu beharreko gutxieneko eta gehieneko zenbatekoa duten tarteen arabera:

- 1 funtsa:** Deialdi osoaren % 40 (414.666,67 euro) **7.000 eurotik 15.000 eurora bitarteko** proiektuak finantzatzeko erabiliko da.
- 2 funtsa:** Deialdi osoaren % 50 (518.333,33 euro) **15.001 eurotik 30.000 eurora bitarteko** proiektuak finantzatzeko erabiliko da.
- 3 funtsa:** Deialdi osoaren % 10 (103.666,67 euro) **30.001 eurotik 60.000 eurora bitarteko** proiektuak finantzatzeko erabiliko da.

Funts bakoitzera bideratutako zenbatekoak aldatu ahal izango dira, jasotako proiektuen kantidadea eta kalitatea eta eskatutako zenbatekoak kontuan hartuta.

ERAKUNDEEN DIRU-SARREREN BALDINTZAK, FUNTSAREN ARABERA

Erakundeek diru-sarreraren baldintzak hauek bete behar dituzte funts bakoitza eskuratzeko:

- 1. funtserako baldintzak,** 7.000 eta 15.000 euro arteko proiektuak finantzatzeko
 - Erakundeak **urteko 70.000 eurotik beherako diru-sarrerak** izan beharko ditu azken ekitaldian.
- 2. funtserako baldintzak,** 15.001 eta 30.000 euro arteko proiektuak finantzatzeko
 - Erakundeak **urteko 70.001 eta 150.000 euro arteko diru-sarrerak** izan beharko ditu azken ekitaldian.

3. funtserako baldintzak, 30.001 eta 60.000 euro arteko proiektuak finantzatzeko

- Erakundeak **urteko 150.001 eta 600.000 euro arteko diru-sarrerak** izan beharko ditu azken ekitaldian.

Azken ekitaldian urteko 600.000 eurotik gorako diru-sarrerak izan dituzten erakundeek ezingo dute finantzaketa-deialdi honetan parte hartu.

NORK HAR DEZAKETE PARTE?

Espainiako lurraldean formalki erregistratutako **gizarte zibileko erakundeak**, beren ekintza Espainiako lurraldean egiten dutenak, irabazi-asmorik gabe, alderdikierarik gabe, eta Europar Batasunaren oinarritzko eskubideak eta balioak errespetatzen dituztenak, EBren Tratatuaren 2. artikuluan eta Europar Batasunaren Oinarritzko Eskubideen Gutunean jasotakoak.

Deialdiak garrantzi berezia ematen die landa-eremuko edo hiri-eremuko **oinarrizko erakunde txikiei**.

FINANTZAKETA ESKATZEKO BALDINTZAK

Finantzaketa-eskaera bat aurkezten duten erakundeek honako baldintza hauek bete beharko dituzte eskaera aurkezteko unean:

- Europar Batasunaren balioekin bat etortzea¹.
- Formalki irabazi-asmorik gabeko erakunde gisa eratuta egotea, Espainiako lege-esparruan dauden modalitateen batean (elkartea, fundazioa, irabazi-asmorik gabeko kooperatiba, etab.).
- Genero-justizia sustatzea.
- Bere jarduerak Espainiako lurraldean garatzea.
- Gutxienez urtebeteko esperientzia izatea deialdia argitaratzen den unean.
- Zerga-betebeharrak eta Gizarte Segurantzarekikoak egunean izatea.
- Erakundeak urtean 600.000 euro edo gutxiagoko diru-sarrerak izatea azken ekitaldian.

Finantzaketa eskatzen duten erakundeek baldintza horiek betetzen dituztela egiaztatzen duten agiriak aurkeztu beharko dituzte eskabide-inprimakiarekin batera.

Zehazki, hauek dira **erantsi beharreko egiaztagiria**:

- Erakundea dagokion erregistroan inskribatu dela egiaztatzen duen agiria.
- Erakundearen estatutuak (dagokion autoritateak behar bezala legeztatuta).

¹ EBren balioak Europar Batasunaren Tratatuaren 2. artikuluan agertzen direnak dira: "Batasunak oinarritzko balio ditu gizakiaren duintasunaren begirunea, askatasuna, demokrazia, berdintasuna, zuzenbide-estatua eta giza eskubideen errespetua, gutxiengoetako pertsonen eskubideak ere barnean direla. Estatu kide guztiek erkide dituzte balio horiek, aniztasuna, bereizkeriarik eza, tolerantzia, justizia, elkartasuna eta emakume eta gizonen arteko berdintasuna ezaugarri dituen gizartearen baitan"

- Erakundearen legezko ordezkariaren ziurtagiria (dagokion erregistroaren ziurtagiria edo, hala badagokio, notarioaren eskritura).
- Erakundearen azken ekitaldiko emaitzen kontua, azken ekitaldiko urteko diru-sarrerekin edo zergen aitorpena (200 eredua). Aurreko dokumentu horiek izan ezean, azken ekitaldiko diru-sarreraren erantzukizunpeko adierazpena aurkeztu ahal izango du ([eredua](#)).
- Betebeharrak egunean daudela egiaztatzen duten Zerga Administrazioaren eta Gizarte Segurantzaren ziurtagiriak eta, hala badagokio, dagokion erkidegoko zerga-administrazioarenak. Dokumentazio horiek ez badituzu, zergen eta Gizarte Segurantzaren betebeharren ordainketak egunean daudela ziurtatzen duen erantzukizunpeko adierazpena entregatu dezakezu ([eredua](#)).
- Erakundearen izenean dagoen banku-titulartasunaren ziurtagiria
- Erakundearen jardueren azken memoria edo, bestela, erakundeak azken urtean egindako jarduerari buruzko bestelako dokumentazioa.
- Erakundearen kudeaketari buruzko beste dokumentu garrantzitsu batzuk (aukerakoa 1. eta 2. funtsetarako, nahitaezkoa 3. funtserako) Entregatutako barne-kudeaketari buruzko dokumentua lotuta egon daiteke osotasunarekin edo gardentasunarekin, besteak beste. Adibide gisa -ez dira zertan zehazki dokumentu hauek izan behar-, entregatu beharreko dokumentuak izan daitezke erakundearen jokabide-kodea, kode etikoa, berdintasun-plana, erakundearen auditoriak, kontabilitatearen dokumentuak edo erakundearen barne-kudeaketaren mekanismoak edo kudeaketa bermatzen dituen antzeko beste dokumentu batzuk.

Deialdi honetan aurkeztutako beste edozein dokumentu mota gehigarri **ez da baloratuko** proposamenen ebaluazio-prozesuan.

DEIALDIAN AURKEZTEKO EPEA

Zure erakundeak deialdi honetan parte hartu nahi badu, eskaera-inprimakia bete beharko duzu **urriaren 31ko 17:00ak baino lehen (Espainiako penintsulako ordua)**.

PROIEKTUEN IRAUPENA

Proiektuek **gutxienez 7 hilabeteko** iraupena eta **gehienez 10 hilabeteko** iraupena izan beharko dute, 2026ko martxoaren 1etik 2026ko abenduaren 31ra bitartean.

AURKEZ DAITEZKEEN PROIEKTUEN KOPURUA

Gizarte zibileko ahalik eta erakunde gehienek finantzaketa eskura dezaten sustatzeko, erakunde bakoitzeko proiektu BAT baino ez da finantzatuko. **Hori horrela, erakundeek proiektu BAKARRA aurkeztu ahal izango dute.**

DEIALDIEN LEHENTASUN TEMATIKOAK

Lehentasuna izango dute deialdi honek barne hartzen dituen gai-agenden lehentasunetako bati, gutxienez, laguntzen dioten proiektuek:

Zainketarako eskubideari dagokionez, honako hauek lortzen lagunduko duten proiektuak lehenetsiko dira:

- Mendekotasunaren arretarekin eta autonomia sustatzearekin lotutako lege eta politiketan (edo horien aplikazioan) hobekuntzak proposatzea, mendekotasuna duten eta/edo dibertsitate funtzionala duten pertsonen eskubideak bermatzeko.
- Zaintzarako eskubidea sustatzea gizartean, eremu publikoan eta politikoan, eta zaintzaren eremuan genero-desberdintasunaren eta emakumeen aurkako indarkerien aurkako borrokarekin duen lotura sustatzea.
- Etxeko eta zaintzako emakume langileen giza eskubideak defendatzea, babestea eta sustatzea, lan-eskubideei arreta berezia eskainiz, etxeko langileentzako eta zainketetarako lan-baldintza duinak sustatzen dituzten ekimenei laguntzea barne.
- Behar bezala artatzen ari ez diren eta zainketa espezifikokoak behar dituzten pertsonen eta etxeen zaintzarako eskubidea defendatu eta babestea.
- Zaintzaileen eskubideak arautzen dituzten legeetan eta politiketan hobekuntzak proposatzea, batez ere desberdintasun handienak dituzten kolektiboetan, hala nola zaintzaren sektorean lan egiten duten emakumeetan.
- Arau-esparruaren hobekuntzan aurrera egitea, kontziliazioak errazteko, denboraren erabileran oreka handiagoa izateko eta lan-eremuan zainketak hobeto kudeatzeko, eta zainketen kudeaketa kolaboratiboa eta/edo komunitarioa bultzatzen duten ekimenak sustatzea.
- Arestian aipatutakoei dagokionez, berrikuntza soziala proiektuan garatu beharreko praktika zehatz gisa txertatzen duen edozein lanketa.

Giza mugikortasunerako eskubideari dagokionez, honako hauek lortzen lagunduko duten proiektuak lehenetsiko dira:

- Migratzaileek eta errefuxiatuek jasaten dituzten eskubide-urraketak identifikatzea eta salatzea. Dauden lege eta politikei eta horien benetako aplikazioari buruzko hobekuntzak proposatzea.
- Gizarte-mugimenduen eta erakunde eta politikarien arteko elkarrizketa indartzea. Pertsonak edo beste eragile garrantzitsu batzuk sentsibilizatzea, migratzaileen eta errefuxiatuen eskubideak defendatzen.
- Narratiba eraldatzaileak sustatzea eta migratzaileen eta errefuxiatuen eskubideen aurka doazen gorroto diskurtsoen, gezurren, albiste faltsuen eta

desinformazioaren aurka borrokatzea, bereziki Internet eta beste bitarteko digital batzuen bidez zabaltzen direnen aurka.

- Sareko lana eta migratzaileen eta errefuxiatuen eskubideak zentroan jartzen dituzten ekimenen arteko lotura bultzatzea.
- Migratzaileei eta errefuxiatuei doako arreta ematea, gai legaletan, juridikoetan, psikologikoetan, sozialetan edo haien eskubideak babesteko beste edozein alderditan.
- Arrazakeriaren, arrazagatiko diskriminazioaren, xenofobiaren, antigitanismoaren eta beste intolerantzia mota batzuen aurka egitea.
- Arestian aipatutakoei dagokienez, berrikuntza soziala proiektuan garatu beharreko praktika zehatz gisa txertatzen duen edozein lanketa.

Justizia klimatikorako eskubideari dagokionez, honako hauek lortzen lagunduko duten proiektuak lehenetsiko dira:

- Trantsizio energetikoak eragindako pertsonen edo komunitateen informazioa jaso eta modu eraginkorrean parte hartu ahal izateko espazioak edo prozesuak sortzea, beren eskubideak defendatzeko. Adibideak: beren lurraldeetan energia berriztagarriak instalatzeak edo mineralak erauzteko meategiak berriz irekitzeak edo berregokitzeak eragindako komunitateak, edo komunitate energetiko bat inplementatu eta operatibizatu nahi duten eta oztopoak (finantzarioak, administratiboak, antolamendukoak, etab.) gaingitu behar dituzten komunitateak.
- Eragile anitzeko elkarriketa-espazioak sortzea (unibertsitateak, gizarte zibila, sindikatuak, sektore pribatua, etab.), trantsizio energetikoko politiketan rol garrantzitsua dutenak eta tokiko lidergoak, inklusioa eta/edo genero berdintasuna lehenesten dutenak.
- Pertsonak sentsibilizatzea eta mobilizatzea, edo justizia klimatikoari buruzko eragin politikoa egitea (gazteen aktibismoa barne).
- Eredu ekonomiko alternatiboei buruzko hausnarketa zibiko zabala eta askotarikoa sustatzea, hala nola, narratiba ekofeminista eta dekolonialetan oinarritutako [donutaren ekonomia](#), edo desazkundera hainbat eragileren arteko lotura erraztuz (herritarrak, gizarte-eragileak, akademia, klima-mugimendua, eragile kulturalak, artistikoak, etab.).
- Espainian klima aldaketak edo energia trantsizioak eragindako pertsonen, kolektiboen eta/edo lurraldeen eskubideak babesteko eta sustatzeko ebidentzia jasotzea eta proposamen politikoak sortzea. Planteatutako proposamenekin intzidentzia, sentsibilizazio edo mobilizazio sozialeko ekintzak egitea (online edo offline).
- Arestian aipatutakoei dagokienez, berrikuntza soziala proiektuan garatu beharreko praktika zehatz gisa txertatzen duen edozein lanketa.

FINANTZA DAITEZKEEN JARDUERA MOTAK

Garrantzitsua da kontuan hartzea deialdi honen bidez egindako jarduerak Espainian garatu beharko direla.

Jarraian, finantza daitezkeen jarduera motak zehazten dira:

- Politika publikoetan eragina izateko herritarren partaidetzarako eta eskubideen defentsarako ekintzak eta jarduerak.
- Kolektiboei zuzeneko arreta ematea eta doako aholkularitza-zerbitzuak ematea
- EBko eskubide eta balioei buruzko sentsibilizazioa (giza duintasunarekiko, askatasunarekiko, demokraziarekiko, zuzenbide-estatuarekiko eta giza eskubideekiko errespetua, gutxiengoetako pertsonen eskubideak eta berdintasuna barne, genero-berdintasuna barne)
- Politikak ikertzea eta aztertzea edo monitorizatzea, estatu-mailako eta EBko politika publikoen formulazioan eragiteko edo informatzeko.
- Legeak, araudiak edo hartutako ebazpen judizialak aplikatzen eta ezartzen laguntzeko ekintzak.
- Proiektua zuzentzen zaien taldeentzako eta kolektiboentzako laguntza psikosozialeko zerbitzuak eta autozaintzako eta zaintza kolektiboko ekintzak.
- Genero-justizia ikuspegi eraldatzaileetatik sustatzen duten ekintzak
- Plataformak eta elkarriketa zibikoak antolatzea eta koalizioak eta elkarteak sortzea gizarte zibileko erakundeen eta EBko eskubideekin eta balioekin lotutako gaietan funtsezkoak diren beste eragile batzuen artean.
- Auzi estrategikoari buruzko prestakuntza-, sentsibilizazio-, elkarren arteko truke- eta ikaskuntza-ekintzak. Auzi estrategikoko ekintzak, instantzia judizialeko ekintzak edo prozesu legal edo judizial bat dakarren beste edozein ekintza deialdi honetatik kanpo daude berariaz, eta ezin izango dira finantzatu.

FINANTZA DAITEZKEEN GASTUAK

Deialdi honetan, proiektua finantzatzeko onartutako zenbatekoaren % 100 finantzatuko da. Beraz, **proiektuaren aurrekontuak ez du beste emaile batzuen baterako finantzaketarik jaso beharko.**

Edozein kontratazio, erosketa, lankidetzak edo zerbitzu-prestazio Espainiako legediaren arabera egin beharko da.

Honako gastu-kontzeptu hauek finantza daitezke (gastu hautagarriak):

- ✓ **Kontrataturako langileen gastuak** (nominak, langileak eta enpresak Gizarte Segurantzari egindako ekarpena barne, eta PFEZ).

- ✓ Jarduerak egiteko **alokairu-gastuak**.
- ✓ Jarduerak egiteko beharrezkoak diren **joan-etorri-, ostatu- eta mantenu-gastuak**. Europar Batasunetik kanpoko lekualdatze-, ostatu- edo mantenu-gastuak ezingo dira finantzatu deialdi honen barruan.
- ✓ **Material suntsikorraren gastuak**, hala nola fotokopien gastuak, bulegoko materiala, tailer eta ekitaldietarako materiala, etab.
- ✓ **Ekipoak erosteko gastuak**. Informatika-ekipoak edo bestelako ekipamenduak erosi behar izanez gero, proiektua inplementatzeko beharrezkoa dela azaldu behar da. Ekipoak alokatzeko gastuak sartzen dira.
- ✓ **Kanpo-zerbitzuak kontratatzeako gastuak**, esaterako, edizio-gastuak, maketazioa edo txostenen itzulpena, aholkularitza-zerbitzuen gastuak, ekitaldietarako catering-zerbitzua, eta abar. Garrantzitsua da kontuan izatea kanpo-zerbitzuen kontratazioa finantzatu daitekeen arren, proiektua garatu eta gauzatzen duten erakunde eskatzaileek beraiek gauzatzea espero dela.
- ✓ Jarduera egiteko **beharrezkoak diren beste gastu batzuk**.

Finantzatu ezin diren kontzeptuak (gastu hautaezinak) hauek dira:

- ✗ Proiektuarekin zuzenean lotuta ez dauden gastuak.
- ✗ Beste dirulaguntza batzuetan aitortutako eta finantzatutako gastuak.
- ✗ Zergak, erakundeak kenduta edo itzulita baditu (BEZ).
- ✗ Zor diren interesak, zorrak eta zorrarekin, gastu-hornidurekin eta abarrekin lotutako beste kargu batzuk.
- ✗ Gehiegizko edo alferrikako gastuak. Gehiegizkotzat jotzen da proposatutako helburua lortzeko behar den zenbatekoa neurri handi batean gainditzen duen gastua. Alferrikakotzat jotzen da proposatutako helburua lortzeko beharrezkoa ez den gastua.
- ✗ Europar Batasuneko araudiaren arabera hautaezinak diren bestelako gastuak.

Garrantzitsua da kontuan hartzea **ez dela finantzaketa bikoitza onartzen**. Proiektuaren aurrekontuan jasotako gastu bakoitzak deialdi honetako bakarra eta eksklusiboa izan behar du, eta ez da aldeztu aurretik finantzatua izan behar, eta ez da aldi berean beste programa edo funts batzuen bidez eskatua izan behar. Muga horrek Europar Batasunaren CERV programak ezarritakoari erantzuten dio, **berariaz debekatzen baitu Europako funtsekin finantzatutako proiektu batean baino gehiagotan gastu bera deklaratzeko**. Arau hori ez betetzeak laguntza bertan behera uztea eta jasotako funtsak itzultzeko betebeharra ekar lezake.

NOLA ESKATU FINANTZAKETA

Proiektu baterako finantzaketa-eskaera egiteko, **3 urrats** egin behar dituzu:

1 URRATSA. Sakatu hemen: www.socialpower.es, eta bertan zaudenean:

- **Zure erakundea dagoeneko erregistratuta baldin badago:** sartu eremu pribatura egiaztagiriekin (pasahitza ahaztu baduzu hemen sakatuta berrezar dezakezu): "Pasahitza ahaztu zaizu?" Eremu pribatuaren barruan, atal bat ikusiko duzu deialdiaren formulariora sartzeko.
- **Zure erakundea erregistratuta ez badago:** bete erregistroaren formularioa. Jarraian, erregistroa berresteko e-mail bat jasoko duzu, pasahitza berrezartzeko estekarekin eta Social Power-en zure alta berresten amaitzeko. Zure pasahitza ezarri ondoren, sartu eremu pribatuan sartzeko kredentzialekin eta sartu "deialdiak" atalean.

2 URRATSA. Erantzun alde zure aurreko galderei eta **aztertu zure erakundeak erabil dezakeen funtsa (1, 2 edo 3), gutxieneko eta gehienezko zenbatekoa zein den jakiteko.**

Deialdia iragartzen duen atalean sakatu ondoren, alde zure aurreko galdetegi bat zabalduko zaizu. Bertan, zure erakundeak baldintzak betetzen dituen egiaztatu ahal izango duzu, bai eta zure erakundeak zein funts erabili ahal izango duen aztertu ere.

Zure erakundeari esleitutako Funtsean soilik eskatu ahal izango duzu finantzaketa, deialdiaren oinarrietan zehaztutako baldintzen arabera. Gogoratu zein diren esleitutako funtsaren arabera finantzaketa lortzeko baldintzak. Nahi duzun guztietan egin ahal izango duzu galdetegi hau. "Finantziak eskatu" atalean sakatzeko soilik erregistratuko dira zure erantzunak.

3 URRATSA. Eskaeraren formularioa bete eta Funtsean arabera eskatutako dokumentazioa erantsi

Zure erakundeak aplikatu dezakeen funtsaren arabera, finantzaketa eskatzeko formulario bat irekiko zaizu. Gogoan izan formularioaren galderak deskarga ditzakezula [Word](#) formatuan eskaera alde zure aurretik prestatzeko, baina **finantzaketa-eskaera** SOCIAL POWERen webguneko zure eremu pribatuan gaitutako **online formularioaren bidez bakarrik aurkeztu ahal izango duzu**².

Ez duzu inprimakia dena batera bete behar. Zatika bete eta gorde dezakezu, beste egun batean beste atal batzuekin jarraitu ahal izateko. SOCIAL POWERen webguneko zure eremu pribatutik egin ditzakezu behar dituzun zuzenketak formularioan; zure erabiltzaile-izenarekin eta pasahitzarekin sartu ahal izango zara bertara.

Inprimakia osorik betetzen amaitzen duzunean, erantsi beharrezko dokumentazioa (ikus erantsi beharrezko dokumentuak [FINANTZAKETA ESKATZEKO BALDINTZAK](#) atalean). **Eskaera aurkezteko, "Eskaera bidali" botoia sakatu behar duzu.**

² Eraginkortasun-arrazoiengatik, online formularioa gaztelaniazko bertsioan soilik egongo da eskuragarri. Hala ere, proposamenak edozein hizkuntza koofizialetan egin ahal izango dira.

Eskabidea aurkeztutakoan, bidalketa berresteko mezu elektroniko bat jasoko duzu, eta aurkeztutako inprimakia kontsultatu ahal izango duzu, bai eta zure eskaeraren egoera ere, zure eremu pribatutik.

Gogoratu **finantzaketa-eskaera aurkezteko epea urriaren 31ko 17:00etan amaitzen dela**. Une horretatik aurrera, eskaera-inprimakia ez da erabilgarri egongo.

Zure eskaera aurkezteko azken unera arte ez itxarotea gomendatzen dizugu!

Ez da onartuko epez kanpo aurkeztutako eskaerarik, ezta beste bide batzuetatik aurkeztutakorik ere (e-mail). Online inprimakia betetzeko zailtasunak edo arazo teknikoak badituzu soporte@socialpower.es helbidera idatz dezakezu. Deialdiari edo oinarriei buruzko zalantzarik baduzu, helbide honetan jar zaitezke gurekin harremanetan: financiacion@socialpower.es.

PROIEKTUAK NOLA EBALUATUKO DIREN

Online eskaera-inprimakian emandako informazioa bakarrik hartuko da kontuan proiektua ebaluatzeko. **Proiektuari buruz erantsitako beste edozein informazio osagarri** ez da kontuan hartuko proiektua ebaluatzeko.

Proiektuak 3 irizpideren arabera ebaluatuko dira, eta proiektu bakoitzak gehienez 100 puntu lortu ahal izango ditu:

- 1) Garrantzia (40 puntu)
- 2) Kalitatea eta koherentzia (40 puntu)
- 3) Inpaktua (20 puntu)

Finantzaketa lortu ahal izateko, proiektuak 100etik **70 puntu lortu beharko ditu gutxienez**. Jarraian, irizpide bakoitzaren barruan baloratuko diren elementuak eta horietako bakoitzean lor daitekeen gehieneko puntuazioa zehazten dira.

Garrantziaren irizpidea:

Irizpide honen gehienezko puntuazioa 100etik **40 puntukoa** da. Finantzaketa eskuratu ahal izateko, proiektuek **gutxienez 25 puntu lortu beharko dituzte irizpide horretan.**

Proiektua deialdiko eskubideen lehentasun tematiko batekin edo gehiagorekin lerratzea.	20 puntu
Proiektua garatuko den testuingurua identifikatzea eta proiektuak testuinguruaren arabera lantzen duen gizarte-problematikaren garrantzia.	5 puntu
Proiektuaren xede den kolektiboa edo pertsonak eta jasaten duten eskubide-urraketaen egoera deskribatzea eta ezagutzea. Proiektuak desberdintasunek eta diskriminazioak bereziki eragindako kolektiboekin lan egitea baloratuko da, hala nola emakumeekin, gazteekin, LGTBIQIA+	5 puntu

SOCIAL POWER

CERV-2024-CITIZENS-VALUES

pertsonekin, dibertsitate funtzionala duten pertsonekin, gutxiengoekin eta abarrekin. Proiektuaren xede diren kolektiboak gidatzen dituzten erakundeak positiboki baloratuko dira.	
Erakundeak proiektuaren jarduera-esparruko gizarte-problematikan eta kolektiboen eta pertsonen eskubideen urraketa-egoeran duen esperientzia.	7 puntu
SOCIAL POWERen deialdien irismena eta lurralde-oreka handitzeko, 1.000.000 biztanletik beherako udalerrri batean dauden erakundeei puntuazio gehigarria emango zaie.	3 puntu

Kalitate- eta koherentzia-irizpidea:

Irizpide honen gehieneko puntuazioa 100etik **40 puntukoa** da.

Proiektuaren logika argia izatea eta aurreikusitako helburuak, jarduerak eta emaitzak argi identifikatzea. Positiboki baloratuko da proiektuak genero-justiziaren ikuspegia sartzeko ikuspegi intersektional batetik.	15 puntu
Estrategia sendoa eta bideragarria, proiektuak aurreikusitako jarduerak aurreikusitako egikaritze-aldian gauzatzeko.	10 puntu
Proiektua inplementatzeko aurrekontu egokia eta baliabideen kudeaketa eraginkorra.	5 puntu
Proiektuak izandako aurrerapena eta lortutako emaitzak neurtzeko aukera emango duten egiaztapen-iturriak argi eta zehatz identifikatzea eta deskribatzea.	10 puntu

Inpaktu-irizpidea:

Irizpide honen gehieneko puntuazioa 100etik **20 puntukoa** da.

Ikuspegi parte-hartzailea eta inklusiboa, funtsezko eragileak eta eskubideak urratzen zaizkien kolektibo eta pertsonak inplikatzeko, beren eskubideak erreklamatu eta defendatu ahal izan ditzaten.	10 puntu
Proiektuak inpaktu positiboa eta jasangarria sortzeko duen ahalmena, egindako ekintzen zuzeneko eta berehalako irismenetik harago.	5 puntu
Proiektuaren inplementazioan modu eta ikuspegi berritzaileak txertatzea, gizarte-berrikuntza barne.	5 puntu

NORK EBALUATUKO DITU PROIEKTUAK?

Aurkeztutako proposamenen ebaluazioa Oxfam Intermoneko talde ebaluatzaile batek egingo du. Talde hori gizarte-erakundeekin eta deialdi honetako funtsezko agendekin lan egiten esperientzia duten pertsonak osatuko dute. Talde horrek sakon baloratuko du proposamen bakoitza, eskaera-formularioan jasotako proposamenaren edukia eta ebaluazio-irizpideak kontuan hartuta.

Gainera, Social Powerren elementu berritzaileetako bat jarraipena eta ebaluazioa egiteko tresna automatikoak txertatzea da, inplementazio- eta monitorizazio-prozesu eraginkorrak eta koherenteagoak ziurtatzeko helburuarekin bat etorritik. Deialdi honetan, ebaluazio-tresna automatikoak erabiliko dira, aurkeztutako proposamenak balioesten laguntzeko. Zehazki, adimen artifizial sortzailean oinarritutako tresna bat txertatuko da plataforman. Tresna horrek proposamenak aztertuko ditu alde aurretik deialdian ezarritako ebaluazio-irizpideetatik abiatuta, eta lehen balorazio orientagarria eskainiko du, prozesuaren koherentzia eta arintasuna bermatzen lagunduko duena.

Analisi automatizatu horrek ez du inola ere talde ebaluatzailearen ebaluazioa ordeztuko; aitzitik, Oxfam Intermoneko barne-taldeak egindako berrikuspen egituratu batekin osatuko da. Prozesu osoak giza ikuskapen egokia izango du, Adimen Artifizialaren Europako Erregelamenduak (2024/1689 EB Erregelamendua) ezartzen duen bezala.

EMAN BEHARREKO FINANTZAKETAREN ZENBATEKOA ZEHAZTEA

Proiektu-proposamenak baloratzeko prozesuan, proposamen teknikoari dagokionez aurkeztutako aurrekontuaren koherentzia eta aurrekontuan sartutako gastuen hautagarritasuna aztertu eta ebaluatuko dira. Azterketa honek helburu bikoitza du: alde batetik, aurrekontua inplementaziorako baliabideak erabiltzeko egokia eta eraginkorra den baloratzea eta, bestetik, proiektua hautatuz gero, finantzatu beharreko zenbateko zehatza ezartzea.

Aurrekontua inplementaziorako baliabideak erabiltzeko egokia eta eraginkorra den zehazteko, honako hau baloratuko da:

- Aurrekontuaren egitura egokia izatea, eta bat etortzea proiektuaren jarduerekin eta helburuarekin. Gastuek behar bezain zehaztuta egon behar dute balorazio hori egiteko.
- Gastuak arrazoizkoak eta justifikatuak izatea proiektua egiteko.
- Gastuak proiektua gauzatzeko epean sartuta egotea.

Finantzatu beharreko zenbateko zehatza ezartzeko, proiektua hautatua izanez gero, honako egiaztapen hauek egingo dira, eta, hala badagokio, dagozkion doikuntzak aplikatuko dira finantzatu beharreko aurrekontuan:

- Oker bikoiztutako gastuak ezabatu egingo dira, halakorik balego.
- Proiektua gauzatzeko alferrikakoak diren edo beharrezkoak ez diren gastuak kenduko dira, halakorik balego.

- Merkatuko ohiko prezioarekin alderatuta, gehiegi balioetsitako edo gutxietsitako gastu-kontzeptuak baleude, zuzenketa edo doikuntza proposatuko da.

Erakundeak eskatutako zenbatekoari dagokionez finantzatu beharreko aurrekontua doitu behar bada, edo argibiderik behar izanez gero, ebaluazio-taldea erakundearekin harremanetan jarriko da balorazio-prozesuan zehar.

NOLA HAUTATUKO DIRA PROIEKTUAK?

Ebaluazio-prozesuan 70 puntutik beherako puntuazioa lortu duten proiektuak ez dira aintzat hartuko finantzatu ahal izateko. Finantzatu beharreko proiektuen azken zerrenda 70 puntu edo gehiagoko proiektuen zerrendatik abiatuta egingo da.

Lehenik eta behin, hautaketa lortutako puntuazioaren eta finantzaketa-tarte bakoitzerako eskuragarri dauden funtsen arabera egingo da (ikusi **DEIALDIAREN AURREKONTU-ZUZKIDURA**); horiek puntuazioaren arabera esleituiko dira, handienetik txikienera, deialdiaren eskubideen agenda bakoitzean aurkeztutako proiektuen artean. Eskubideen agenda bakoitzarentzako finantzatu beharreko proiektuen kopurua agenda bakoitzarentzat jasotako eskaeren kopuruarekiko proportzionala izango da.

Finantzatzeko onartutako zenbatekoaren % 100 finantzatuko da (ikusi **EMAN BEHARREKO FINANTZAKETAREN ZENBATEKOA ZEHAZTEA**) hautatutako proiektu bakoitzerako. Gogoratu, gorago adierazi bezala, proiektuaren aurrekontuak ez duela beste emaile batzuen baterako finantzaketarik jaso beharko.

Azkenik, Oxfam Intermonek beretzat gordetzen du deialdi honetan erabilgarri dauden funts guztiak ez esleitzeko eskubidea, jasotako proposamenen balorazioaren arabera.

EMAITZA JAKINARAZTEA, ONARTZEA ETA FINANTZAKETA ORDAINTZEA

2026ko urtarrilean eta otsailean, erakundeei jakinaraziko zaie beren proiektua hautatua izan den eta lortutako finantzaketaren zenbateko zehatza.

Aukeratuak izan diren erakundeek lankidetzaz hitzarmena sinatuko dute Oxfam Intermónek. Alderdi guztiek hitzarmena sinatutakoan, lehen ordainketa egingo da, hitzarmenean zehaztutako kopuruaren arabera.

Aukeratuak izan ez diren erakundeen kasuan, nahi izanez gero, haien proiektuaren balorazioa itzultzeko eska dezakete, hona idatziz: financiacion@socialpower.es.

ALDERDIEN KONPROMISOAK ETA BETEBEHARRAK

Deialdi honen bidez finantzatutako proiektuak dituzten erakundeek eta Oxfam Intermonek lankidetzaz-esparru bat ezarriko dute, konfiantzan eta elkarrekiko errespetuan oinarritua eta harremanen horizontaltasunaren ikuspegitik arautua.

Lankidetza-esparru hori **Hitzarmen bat sinatzean** gauzatuko da, eta bertan zehaztuko dira, besteak beste, bi alderdiek beren gain hartzen dituzten konpromisoak eta betebeharrak. Jarraian, konpromiso garrantzitsuenak deskribatzen dira:

Oxfam Intermonek, besteak beste, konpromiso eta betebeharrak hartuko ditu bere gain:

- Deialdi honen esparruan hautatzen diren proiektuen onartutako **aurrekontuaren % 100 finantzatzea**, bi aldeek ados jarrita sinatuko duten lankidetza-hitzarmenean jasotako baldintzetan.
- Proiektuaren hasieran erakundeei hasierako ordainketa bat egitea, alderdien artean sinatutako hitzarmenean ezarritakoaren arabera.
- Finantzatutako proiektuaren inplementazioari buruzko jarraipena egitea erakundearekin, modu birtualean zein presentzialean, horizontaltasunaren eta elkarrekiko konfiantzaren ikuspegitik eta etengabeko hobekuntzarako ikaskuntza sustatuz. Jarraipenean sartu ahal izango dira, dagokionaren arabera, bai proiektua inplementatzeko alderdi teknikoak bai proiektua kudeatzeko alderdiak.
- Finantzatutako erakundeen eta inplementatutako proiektuetan parte hartzen duten pertsonen **datu pertsonalen babesa ziurtatzea**, bai eta alderdiek "informazio sentikor" gisa identifikatzen dituzten **datuen edo materialen konfidentzialtasuna babestea** ere.
- **SOCIAL POWERen esparruan egiten diren** eta erakundearentzat interesgarriak izan daitezkeen **ikaskuntza kolektiboko eta sareko laneko jarduerari eta ekitaldiei buruzko informazioa ematea**, eta gune horietan parte har dezaten sustatzea.
- **SOCIAL POWERen esparruan, finantzatutako proiektuen eta erakundeak finantzatutako proiektuaren inplementazioan lortutako ekintzen eta emaitzen berri ematea**, eta, adosten denean, erakundeari laguntza eta aholkularitza ematea proiektuaren komunikazio-alderdietan.

Proiektua finantzatu zaien erakundeek, besteak beste, konpromiso eta betebeharrak hartu beharko dituzte beren gain:

- Proiektua aurrera eramatea, une oro **Europar Batasunaren balioak errespetatzen direla** bermatuz.
- **Oxfam Intermoni proiektuaren bilakaeraren berri ematea eta Oxfam Intermonek proiektuari egindako jarraipen-bisitak erraztea eta horietan parte hartzea**. Bereziki, proiektuaren gauzapenean eragina duen edozein gertakariri edo gorabeherari buruzko informazioa ematea.
- **Oxfam Intermonek edo EBk eskatzen duten informazio guztia ematea, ekintzak irauten duen bitartean edo egin ondoren**, proiektua inplementatu dela eta lankidetza-hitzarmenaren esparruan betebeharrak bete direla egiaztatzeko xedez. Zehazki, aurreikusitako jarduerak egiteari eta emaitzak lortzeari buruzko dokumentazioa eta beharrezko informazio-baliabideak aurkeztea, eta proiektua

amaitu eta gehienez ere hilabete batera proiektua gauzatzeari buruzko azken txostena aurkeztea. Amaierako txostena proiektua gauzatzeari eta emaitzak lortzeari buruzko narrazio-formatuan egingo da, eta dagozkion egiaztapen-iturrien dokumentuak erantsiko dira.

- **Fakturei, ordainketei, nominei eta beste gastu batzuei (Gizarte Segurantzak, PFEZ, BEZ, etab.) buruzko dokumentazioa gordetzea eta zaintzea, gutxienez 10 urtez,** proiektua amaitzen denetik zenbatzen hasita, indarrean dagoen legediaren arabera. Era berean, proiektuaren gastuak erakundearen kontabilitatean jaso behar dira. Erakunde batek ez badu 10 urterako zaintza hori ziurtatzeko gaitasunik, dokumentazio hori Oxfam Intermoni bidali ahal izango dio, eta hark bermatuko du zaintza hori.
- **Finantzatutako proiektuan parte hartuko duten pertsonen hautaketan edozein interes-gatazka saihestea,** bai eta datuen babesaren arloko indarrean dagoen legeria betetzea ere.
- **Finantzatutako ekintzetan Europar Batasunaren ikusgarritasuna ziurtatzea**, lortutako emaitzen komunikazio-jardueretan zein finantzaketa horri esker eskuratutako ekipoetan Europar Batasunaren ikurra eta bandera sartzeko konpromisoa hartuz. Gainera, finantzaketaren jatorria argi eta garbi adierazi beharko da, baita dagokion erantzukizun-deskargua (*disclaimer*) ere, jarraian adierazten den bezala:



**Cofinanciado por
la Unión Europea**

Europar Batasunak finantzatua. Adierazitako iritziek eta ikuspuntuak egileak/egileak bakarrik konprometitzen ditu/dituzte, eta ez dituzte nahitaz islatzen Europar Batasunekoak edo Herriartasuna, Berdintasuna, Eskubideak eta Balioak Programakoak (EACEA). Ez Europar Batasuna ez EACEA ezin dira haien erantzuletzat hartu.

Oxfam Intermonek laguntza emango dio erakundeari EBren ikusgarritasuna behar bezala aplikatzeari buruzko zalantzak argitzeko.

FINANTZAKETA PROZESUAREN EGUTEGIA ETA DATA NAGUSIAK

Ondoren, erakundeek jarduerak finantzatzeari dagokionez prozesuaren funtsezko daten laburpena aurkezten da, kontuan hartu behar duzuna:

Data nagusiak	Prozesua
2025eko irailak 1	Deialdia irekitzea
2025eko urriak 31	Deialdia ixtea eta eskabideak jasotzen amaitzea. Epea junio urriaren 31n amaituko da, 17:00etan.

SOCIAL POWER

CERV-2024-CITIZENS-VALUES

Data nagusiak	Prozesua
2026ko urtarrila-otsaila	Erakundeei proiektuen hautaketaren emaitzak jakinaraztea.
2026ko urtarrila-otsaila	Hautatutako erakundeen eta Oxfam Intermonen arteko finantzaketa-hitzarmenak egitea eta sinatzea
2026ko martxoa-ekaina	Proiektuen finantzaketaren lehen ordainketa erakundeei, proiektuaren hasieraren arabera.
2026ko martxoak 1	Data horretatik aurrera has daitezke finantzatutako proiektuak.
2026ko otsaila-martxoa (zehaztu beharreko data)	Bilera informatiboa finantzatutako erakundeekin, jarraipen- eta laguntza-prozesuei buruz.
2026ko martxoaren 1etik abenduaren 31ra	Proiektuaren jarraipena egitea, formatu birtualean eta/edo presentzialean, adostutakoaren arabera.
2026ko abenduak 31	Finantzatutako proiektuak amaitzeko azken eguna.
2027/01/31	Azken txosten narratiboa eta jarduerak gauzatu direla frogatzen duten egiaztapen-iturriak entregatzeko gehieneko data. 2026ko abenduaren 31 baino lehen amaitutako proiektuen kasuan, txostena proiektua amaitu eta hilabetera entregatu beharko da.

SOCIAL POWER-I BURUZ

Social Power [Oxfam Intermon](#) eta [Political Watch](#)-en ekimena da, 2029ko otsailera arte egingo dena, **gizarte zibil antolatuak** Espainian desberdintasunen eta diskriminazioaren ondorioak gehien jasaten dituzten pertsonen **giza eskubideen** defentsan, babesean eta sustapenean **egiten duen lana indartzen** laguntzeko.

DEIALDI HONI BURUZKO INFORMAZIO GEHIAGO

Deialdi hau Europar Batasunak abian jarritako «Herritarrak, Berdintasuna, Eskubideak eta Balioak» (CERV) programaren barruan kokatzen da. CERV programaren helburua da zuzenbide-estatuan finkatutako eskubide demokratiko, berdintasunezko eta inklusiboetan oinarritutako gizarte irekiak sostengatzea eta garatzea. Horren barruan dago gizarte zibil dinamiko eta ahaldundua, pertsonen parte-hartze demokratikoa, zibikoa eta soziala sustatzen duena, eta Europako gizartearen aniztasun aberatsa lantzen duena, gure balio komunetan, gure historian eta gure memorian oinarrituta.

Europar Batasuneko CERV programari buruz gehiago jakin nahi baduzu, klikatu [hemen](#)

KONTAKTUA

Oinarriei buruzko edozein zalantza izanez gero, gurekin harremanetan jar zaitezke helbide elektroniko honen bidez: financiacion@socialpower.es